




1328

Broj: 13-02-EH/04-95-9/24
Datum: 27. 03. 2024. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
Predsjedavajući Skupštine Kantona Sarajevo
Reisa Džemaludina Čauševića 1
71 000 Sarajevo



PREDMET: *Odgovor na zastupničko pitanje zastupnika Faruka Selmanovića, dostavlja se -*

Poštovani,

Zastupnik Faruk Selmanović je na 14. radnoj sjednici Skupštine Kantona Sarajevo, održanoj dana 26. 02. 2024. godine, u okviru tačke Dnevnog reda "Poslanička/zastupnička pitanja, inicijative i odgovori", postavio zastupničko pitanje, koje glasi:

1. Da li su Skupština Kantona Sarajevo, kao osnivač, te Upravni odbor i Nadzorni odbor JU "Memorijalni centar Sarajevo", bili upoznati sa izradom i objavom novog logotipa Memorijalnog centra?
2. Da li je raspisan i objavljen javni poziv za izradu novog logotipa JU "Memorijalni centar Sarajevo", ko je donio odluku o raspisivanju istog, koliko je bilo prijavljenih na isti i koji je novčani iznos plaćen za izradu spornog logotipa?

Na postavljeno zastupničko pitanje dajemo slijedeći:

ODGOVOR

U skladu sa postavljenim pitanjem pod tačkom 1., obavještavamo Vas da je Javna ustanova "Memorijalni centar Sarajevo" (u daljem tekstu: "**Memorijalni centar Sarajevo**") još uvijek u postupku izrade **kompletnog** vizuelnog identiteta Memorijalnog centra Sarajevo, osim elemenata logotipa gdje će se zadržati postojeći obris i kontura.

Prvobitno, u pokaznoj fazi je, predstavljeno nekoliko rješenja, elemenata logotipa, a prije donošenja konačne odluke. Uzevši u obzir da je pokazna faza okončana, postojeći elementi logotipa će biti zadržani u neizmijenjenom obliku kako se gore navodi. Kombinacija simbola nišana i ljiljana, koji predstavljaju mir, sjećanje, zajedništvo, hrabrost, otpor, tradicionalne vrijednosti, u sebi sadrže svu čvrstinu i mišljenja smo da su dovoljni da prenesu poruku poštovanja, zajedništva i identitet bosanskohercegovačkog naroda.



Pored samog logotipa Memorijalnog centra Sarajevo, kompletni vizuelni identitet treba izgledati kao dosljedan kohezivan dizajn za sve buduće promotivne materijale, web sajt i društvene mreže, a što je bitno u stvaranju prepoznatljivosti misije Memorijalnog centra Sarajevo, kao čuvara kulture sjećanja.

Logotip je samo **jedan element**, a vizuelni identitet Memorijalnog centra Sarajevo je puno više, i sadrži druge vidljive elemente kao što je boja, forma, oblik, koji u sebi objedinjuju i saopćavaju javnosti sva njegova simbolična značenja koja se ne mogu izraziti riječima.

Tako da će Upravnom odboru Memorijalnog centra Sarajevo, tek biti predstavljen kompletan vizuelni identitet radi donošenja konačne odluke.

Želimo istaći da, Memorijalni centar Sarajevo postupa u skladu sa pozitivnim propisima i općim aktima Memorijalnog centra Sarajevo i ima svoju autonomiju u postupanju, kao javna ustanova od posebnog društvenog interesa.

U skladu sa postavljenim pitanjem pod tačkom 2., obavještavamo Vas da nije raspisan i objavljen javni poziv za izradu novog logotipa Memorijalnog centra Sarajevo jer nije u skladu sa pozitivnim propisima.

Memorijalni centar Sarajevo je dužan, u skladu sa članom 4. i članom 6. Zakona o javnim nabavkama ("Službeni glasnik BiH", broj 39/14 i 59/22) kao ugovorni organ provesti jedan od postupaka javnih nabavki, u postupku nabavke robe, usluga i radova.

Tako da je za kompletan vizuelni identitet Memorijalnog centra Sarajevo pokrenut postupak javne nabavke usluga i putem direktnog sporazuma ugovor je dodijeljen privrednom društvu "FABRIKA" d.o.o. Sarajevo, a kao kriterij za dodjelu ugovora navedenom društvu je bio **najniža ponuđena cijena**. Ukupna vrijednost predmetnog ugovora iznosila je 5.850,00 KM bez PDV.

S poštovanjem,

Dostaviti:

1. naslovu,
2. a/a.



DIREKTOR
doc. dr. Kulančić Ahmed